

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
OPĆINA OLOVO
OPĆINSKO VIJEĆE

Z A P I S N I K
*s Zajedničke 1. vanredne sjednice Općinskog vijeća Vareš,
i Općinskog vijeće Olovo održane 02.07. 2013. godine*

Zdravko Marošević – predsjedavajući Općinskog vijeća Vareš, otvorio je Zajedničku 1. vanrednu sjednicu Općinskog vijeća Vareš i Općinskog vijeća Olovo s početkom u 12,00 sati, u velikoj sali Općine Vareš.

Izvršena je prozivka vijećnika u Općinskom vijeću Olovo.

Prisutni vijećnici: Izudin Kućanović, Amir Mašić, Enez Kopic, Ramiz Ibrahimović, Mirsad Šarić, Samir Zukić, Selvedin Karić, Taib Halilović, Jasminka Karagić, Sead Bjelić, Enver Šabanović, Nusret Sirčo, Adem Karamović, Ešef Jusubašić, Kasim Kljajić i Miralem Mehanović.

Odsutni – Mirad Hodžić.

Izvršena je prozivka vijećnika u Općinskom vijeću Vareš.

Prisutni vijećnici: Ismet Abdulahović, Boško Andrić, Zdravko Barkić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni – Nema.

Pored vijećnika sjednici prisustvuju: Općinski načelnik općine Vareš – Avdija Kovačević i Općinski načelnik općine Olovo – Đemal Memagić, sekretar Općinskog vijeća Vareš - Leon Pavlović i sekretar Općinskog vijeća Olovo – Zijad Karić, pomoćnici općinskog načelnika, zamjenica općinskog pravobranilaštva – Elma Brčić, predsjednici političkih stranaka u OV Vareš, ministar za poljoprivredu, šumarstvo i vodoprivredu ZDK – Bojan Bošnjak, direktorica Kantonalne uprave za šumarstvo – Nevzeta Elezović, predstavnik općine Breza – Salih Hasanspahić, poslanik u Skupštini ZDK – Fahrudin Brkić, direktori i predstavnici drvo-prerađivačkih firmi općine Vareš i mediji.

Predsjedavajući Općinskog vijeća Olovo gosp. Izudin Kućanović i predsjedavajući Općinskog vijeća Vareš gosp. Zdravko Marošević, dali su uvodne napomene u kojima su Vijeće upoznali o provedenim aktivnostima pripreme i zakazivanja današnje sjednice.

Na raspravu je stavljen prijedlog dnevnog reda za Zajedničku 1. vanrednu sjednicu Općinskog vijeća Vareš i Općinskog vijeća Olovo.

Nije bilo rasprave po dnevnom redu i predsjedavajući OV Vareš, stavio je na izjašnjavanje prijedlog dnevnog reda.

Nakon izjašnjavanja vijećnika **Općinskog vijeća Vareš (19 glasova „ZA“)** i **Općinskog vijeća Olovo (15 glasova „ZA“)**, predsjedavajući OV Vareš konstatuje da je **jednoglasno usvojen s l i j e d e ć i**

D n e v n i r e d

- 1. Prijedlog Odluke o zabrani nastavka sječe i eksploatacije šume, izvlačenja šumskih drvnih sortimenata na području općina Vareš i Olovo.**
- 2. Prijedlog Odluke o osnivanju Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš.**

Ad. 1.

(Prijedlog Odluke o zabrani nastavka sječe i eksploatacije šume, izvlačenja šumskih drvnih sortimenata na području općina Vareš i Olovo.)

Predlagач ispred Općine Vareš, Općinski načelnik Avdija Kovačević, obratio se prisutnima sa uvodnim napomenama u kojima je dao i dodatno pojašnjenje za ovu tačku dnevnog reda.

Predlagач ispred Općine Olovo, Općinski načelnik Đemal Memagić, obratio se prisutnima i iznio mišljenje vezano za ovu tačku dnevnog reda.

Predsjedavajući OV Vareš pozvao je zamjenicu općinskog pravobranilaštva da prisutne i javnost upozna sa sadržajem tačke 1..

Predsjedavajući OV Olovo zatražio je od općinske pravobraniteljice da odgovori da li je predložena Odluka pravno utemeljena za zakonito donošenje.

Zamjenica općinskog pravobranilaštva Elma Brčić upoznala je prisutne i javnost sa sadržajem Prijedloga Odluke o zabrani nastavka sječe i eksploatacije šume, izvlačenja šumskih drvnih sortimenata na području općina Vareš i Olovo i dala odgovor na postavljeno pitanje predsjedavajućeg OV Olovo, da Prijedlog navedene Odluke ima pravni osnov za zakonito donošenje.

Otvorena je rasprava u kojoj su mišljenja i stavove iznijeli vijećnici Općinskog vijeća Olovo: Jasminka Karagić, Miralem Mehanović, Selvedin Karić, Taib Halilović i Nusret Siréo.

U raspravi su učestvovali i vijećnici Općinskog vijeća Vareš i to: Mario Mirčić, Elvir Rožajac, Boško Andrić, Đemo Kevrić, Kenan Kamenjaš, Mahira Brkić, Zdravko Barkić, Nikola Šimić, poslanik u Skupštini Fahrudin Brkić i Općinski načelnik Avdija Kovačević koji je odgovorio na postavljeno pitanje u raspravi vijećnice Jasminke Karagić.

Za riječ se javio ministar za poljoprivredu, šumarstvo i vodoprivredu gosp. Bojan Bošnjak i u svom izlaganju dao komentar na predložene Odluke i iznio stav ministarstva za poljoprivredu, šumarstvo i vodoprivredu, da iste Odluke nije moguće donijeti s obzirom da ne postoji pravni osnov za njihovo donošenje, te Vijećima predložio slijedeće Zaključke:

1. Da se izvrši pritisak na Vladu ZDK, u smislu da se urade određene ispravke i izmjene u tijelima ŠPD kako bi došli do boljih rješenja.
2. Da se izmire obaveze prema općinama, da se potpiše protokol (između Vlade ZDK i općina) o izmirenju duga u skladu sa mogućnostima i rokovima.

3. Da se formira Komisija koja će utvrditi koji su razlozi za neprovođenje ovih obaveza koje su bile, da se utvrde razlozi, da se utvrdi tko je odgovoran i tko je taj tko je rekao „ja ne želim da uplaćujem to što moram“.
4. Uputiti zajedničko pismo Vladi FBiH i Ministarstvu za poljoprivredu, šumarstvo i vodoprivredu, sa informacijom o aktivnostima koje se dešavaju u ovim Općinskim vijećima, da ih informišemo i o Zaključcima koje ćete Vi danas donijeti ovdje, i da ih informišemo da također znamo o Zaključcima koje su poduzeli i stvari koje oni rade i da jednostavno tražimo jedan ultimativan zahtjev da se što prije dođe do zakonskog rješenja u ovoj oblasti.

Na kraju je pozvao vijećnike da podrže i da ne zaustavljaju proces donošenja Kantonalnog Zakona o šumama uz obavezu usklađivanja, naravno ovog Zakona sa Federalnim, što je i definisano u tom prijedlogu Zakona, jer smo mi rekli da je ovaj Zakon privremenog karaktera i da njegova validnost traje sve do momenta dok se ne donese Federalni Zakon.

Za riječ se javio Načelnik općine Vareš Avdija Kovačević i izjavio kao oficijelni predlagач Općine Vareš, da ni jedan od ponuđenih prijedloga koje je iznio ministar Bojan Bošnjak, ne može prihvatiti, o čemu je dao i obrazloženje.

U daljnjoj raspravi su učestvovali Načelnik općine Olovo Đemal Memagić koji je dao komentar na izlaganje ministra Bojana Bošnjak, te vijećnik OV Olovo Kasim Kljajić.

Predsjedavajući OV Olovo upoznao je prisutne sa dopisom Sindikalne podružnice PJ „Šumarija“ Olovo, vezano za dnevni red današnje sjednice.

Predsjedavajući OV Vareš upoznao je prisutne sa dopisom Sindikalne podružnice PJ „Šumarija“ Vareš, vezano za dnevni red današnje sjednice.

Zaključena je rasprava i predsjedavajući OV Olovo stavio je na izjašnjavanje Prijedlog Odluke o zabrani nastavka sječe i eksploatacije šume, izvlačenja šumskih drvnih sortimenata na području općina Vareš i Olovo, te nakon izjašnjavanja vijećnika iz Općinskog vijeća Olovo, konstatuje da je **Općinsko vijeće Olovo jednoglasno (16 glasova „ZA“) usvojilo**

***Odluku o zabrani nastavka sječe i eksploatacije šume,
izvlačenja šumskih drvnih sortimenata na području općina Vareš i Olovo.***

Predsjedavajući OV Vareš stavio je na izjašnjavanje Prijedlog Odluke o zabrani nastavka sječe i eksploatacije šume, izvlačenja šumskih drvnih sortimenata na području općina Vareš i Olovo, te nakon izjašnjavanja vijećnika iz Općinskog vijeća Vareš, konstatuje da je **Općinsko vijeće Vareš jednoglasno (19 glasova „ZA“) usvojilo**

***Odluku o zabrani nastavka sječe i eksploatacije šume,
izvlačenja šumskih drvnih sortimenata na području općina Vareš i Olovo.***

Predsjedavajući OV dao je pauzu u trajanju od deset minuta.

Ad.2.

(Prijedlog Odluke o osnivanju Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš.)

Predsjedavajući OV Vareš pozvao je zamjenicu općinskog pravobranilaštva da prisutne i javnost upozna sa sadržajem prijedloga Odluke.

Predsjedavajući OV Olovo zatražio je od općinske pravobraniteljice da odgovori da li je predložena Odluka pravno utemeljena za zakonito donošenje.

Zamjenica općinskog pravobranilaštva Elma Brčić upoznala je prisutne i javnost sa sadržajem prijedloga Odluke, te dala odgovor na postavljeno pitanje predsjedavajućeg OV Olovo, da Prijedlog navedene Odluke ima pravni osnov za zakonito donošenje.

Ovlašteni predlagači nisu imali dodatna objašnjenja za ovu tačku dnevnog reda.

Otvorena je rasprava u kojoj su svoje primjedbe, prijedloge, mišljenja i stavove iznijeli vijećnici Općinskog vijeća Olovo i to:

Vijećnik OV Olovo Miralem Mehanović predložio je slijedeće:

- u članu 10. stav 2. mijenja i da glasi: „Skupštinu čine članovi koje imenuju Općinska vijeća i to: 3 (tri) člana iz Općine Olovo i 2 (dva) člana iz Općine Vareš.“
- u članu 10. stav 3. tačka 6., iza riječi „šumsko-privredne osnove“ dodaju se riječi „uz suglasnost Općinskih vijeća.“
- u članu 22. stav 2. riječi „ne duži od 30 dana“ mijenjaju se sa riječima „do 01.01.2014. godine“.

Za riječ se javio Općinski načelnik Avdija Kovačević i izvijestio prisutne, da u dogovoru sa Općinskim načelnik općine Olovo, kao ovlašteni predlagači prihvataju iznesene prijedloge vijećnika Miralema Mehanović, koji se odnose na izmjene i dopune člana 10., te da prijedlog izmjene člana 22. stav 2. ne prihvataju, o čemu je dao i obrazloženje.

Vijećnik Miralem Mehanović izjavio je da odustaje od prijedloga vezano za izmjenu člana 22. prijedloga Odluke.

Vijećnik OV Olovo Siréo Nusret predložio je slijedeće:

- u članu 5. dodati djelatnost „gradnja šumske infrastrukture“.
- u članu 6. dodati novi stav 2. koji glasi: „Imovinu Društva čine materijalno-tehnička sredstva i ljudstvo utvrđeno diobenim bilansom“.
- u članu 10. u tačkama 2. i 8. dodati riječi „uz suglasnost Općinskih vijeća“, te dodati novu tačku koja glasi: „godišnji planovi gospodarenja“.

Za riječ se javio Općinski načelnik Avdija Kovačević i izjasnio se o iznesenim prijedlozima o kojima je dao i objašnjenje: prihvata se dopuna člana 5., dopuna član 6., u članu 10. u tački 6. dodaju se riječi „uz suglasnost Općinskih vijeća“, te da se član 20. mijenja i glasi: „Odluku o promjeni oblika Društva donose osnivači, na prijedlog Skupštine Društva.“

U daljnjoj raspravi učestvovali su vijećnici OV Olovo: Adem Karamović, Taib Halilović, Jasminka Karagić, Enes Kopic, Općinski načelnik općine Olovo Đemal Memagić i predsjedavajući OV Olovo Izudin Kučanović.

U raspravi su učestvovali i iznijeli mišljenja i stavove i vijećnici Općinskog vijeća Vareš i to: Mario Mirčić, Mahira Brkić, Elvir Rožajac, Zdravko Barkić, Tajiba Brkić i Općinski načelnik općine Vareš Avdija Kovačević.

Vijećnica Mahira Brkić predložila je izmjenu člana 11. stav 2. koji bi glasio: „Uprava društva ima 4 (četiri) člana i to: - direktor, - izvršni direktor za tehnologiju i tehničke poslove, - izvršni direktor za ekonomske poslove i – izvršni direktor za pravne poslove.“

Vijećnik Zdravko Barkić predložio je da se u članu 17. riječi „ostvarenom prihodu“ mijenjaju sa riječima „ostvarenoj dobiti“.

Općinski načelnik Avdija Kovačević izjasnio se da je prijedlog vijećnice Mahire Brkić dobar, ali da ne može prihvatiti izmjenu člana 11. o čemu je dao i obrazloženje, i da prihvata prijedlog vijećnika Zdravka Barkića koji se odnosi na član 17.

Zaključena je rasprava i predsjedavajući OV Olovo stavio je na izjašnjavanje Prijedlog Odluke o osnivanju Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš sa prihvaćenim izmjenama od strane ovlaštenih predlagača, te nakon izjašnjavanje vijećnika iz Općinskog vijeća Olovo, konstatuje da je **Općinsko vijeće Olovo sa 13 glasova „ZA“ i 3 „SUZDRŽANA“ glasa usvojilo**

***Odluku o osnivanju Javnog preduzeća
„Šumsko-privredno društvo Šumarstvo Vareš i Olovo“ d.o.o. Vareš***

Predsjedavajući OV Vareš stavio je na izjašnjavanje Prijedlog Odluke o osnivanju Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš sa prihvaćenim izmjenama od strane ovlaštenih predlagača, te nakon izjašnjavanja vijećnika iz Općinskog vijeća Vareš, konstatuje da je **Općinsko vijeće Vareš jednoglasno (19 glasova „ZA“) usvojilo**

***Odluku o osnivanju Javnog preduzeća
„Šumsko-privredno društvo Šumarstvo Vareš i Olovo“ d.o.o. Vareš***

Sjednica je završena u 15 sati i 30 minuta.

Sastavni dio ovog Zapisnika je audio zapis sjednice.

SEKRETAR OV VAREŠ

Leon Pavlović, s.r

***ZAPISNIČAR
OV VAREŠ***

Azra Ibrahimović, s.r

***PREDSJEDAVAJUĆI
OV VAREŠ***

Zdravko Marošević, s.r.

SEKRETAR OV OLOVO

Zijad Karić, s.r.

***PREDSJEDAVAJUĆI
OV OLOVO***

Izudin Kučanović, s.r.